

第六十八冊

卷一百十七

祠祀考九

卷一百十八

祠祀考十

新纂雲南通志

盧

漢題



卷之十八

卷之十八

卷之十八

卷之十八

卷之十八

新纂雲南通志

盧 慎 題



新纂雲南通志卷一百十七目錄

祠祀考九

寺觀四

臨安府

楚雄府

禁書

謝文

夢

無

錄保

新纂雲南通志卷一百十七

祠祀考九

寺觀四

臨安府

建水縣

赤帝宮

在城內年久傾圮今拓修

光緒志

傳宗寺

在城東八十里乍甸上有白雲下有石鼓

臨安府志

天王寺

在城東南元時建明成化間郡人萬城重修

雍正志

清季重修

建水縣採訪

附明翰林侍講黃洵記略

萬曆志

臨安郡東南隅有天王寺肇建於元郡之人凡水患必祈疾疫必禱國初古利多羅兵燹惟此巍然屹立相傳以爲有靈用是守臣郡閭萬公若忠若信累世締造之力居多而義官柴庸又贊相之相與捐貲拓充舊隘作殿宇建廊廡營齋舍門垣延僧衆以事焚

修僧有號良明者即住乃山董乃事奈何事遠人殊不無廢墜又推戒行精專宗風振舉者則本戒繼主其席成化癸酉本戒推己募人乃增一殿於天王殿後中塑佛及羅漢像棟楹檼巍巍整飭壬子歲郡之父老王洪者偕士友輩謂是寺之修其制雖備而歲費不足各捐已貲復募於衆得財貲若干畝以贍僧衆蓋以重本戒之行也夫世之爲人子者承先人之業苟能守之足稱孝子本戒雖寄身方外而能守先師之業方足以爲良僧況能修置之以增大於前其不爲良僧之表表者乎則本戒之功誠不可不錄而洪輩相與募緣捨施以成厥志及君子與人爲善之心亦不可泯也本戒走書京師徵余文以記其事於是乎書

東林寺 在城東一里原名諸天寺元時建明嘉靖三十二年知府

章士元易今名

雍正志

內有半閒亭

臨安府志

清咸豐間兵燹燬後重建後殿

光緒志

附明知府姑蘇章士元半閒亭詩

光緒志

昔賢理彭澤託迹東西林豈繫耽象教實寄方外心余質本樗散黽勉嬰絃簪西南繁一郡綿力苦不任徵科與敲撲填此煩冤襟爰追昔人意佳境還招尋邂逅入精廬幽賞愜孤吟曇花開永晝香霽散秋陰夷猶未成久瀟灑良獨深乘興數來往挈榼聊自斟同行盡索服相歡各失音始知會心處無間古與今倏忽歲云改庭柯鬱森森未諧結廬願有懷春江潯悵此羈旅跡繾綣空蹄涔何當返初服一臥吳山岑

地藏寺

在城東四里

雍正志

清咸豐間兵燹燬後重建正殿

光緒志

寶藏寺

在城東

雍正志

接待寺 在城東元百戶趙益辭職爲僧以其居爲寺並施田贍僧

雍正志

桂香閣 在城東郡人蕭崇業建

舊臨安府志

福東寺 在城東清乾隆六十年武舉盧侯琦重修

建水縣志

咸豐間兵燹

燬後重建前殿

光緒志

東山寺 在城東二十里巖洞山

臨安府志

清康熙五十一年鄉民李一山

建嘉慶十八年修嶺西有文星閣明郡人包見捷建

建水縣志

雲龍山寺 在城東三十五里明萬曆間僧圓相建山勢穹窿林木

蓊鬱溪水鳴環桃花夾澗絕頂爲眞武宮左爲雲窩爲開化寺直

下爲準提閣西爲華嚴界爲觀音殿爲興聖寺斗折而上爲般若

臺再上爲幻隱室折而下爲翠隱庵興聖寺之左爲一佛宮隔嶺

為始基洞為紫極宮隨步換形引入入勝洵世外之幽棲寰中之

勝景雍正志

附明知府晉江丁煒雲龍山真武宮登閣詩道光志

亂峯環抱氣氤氳飛閣憑虛最出羣鳥道松杉千歲老鶴壇鐘磬半空聞  
披襟涼愛南薰爽晞髮晴看北戶雲便擬投簪從帝子騁虬同謁玉宸君

附諸生晉江丁煒同題

馬蹄蹀躞繞青郊傑構新看闢草茅絳闕平臨天北極丹樓高瞰日南交  
山深地隱龍蛇氣松老雲封鶴鵲巢安得棲真同羽客襄瓢長此掛林梢

附明諸生石屏廖楚良雲龍山準提閣詩道光志

脫落紅塵坐翠微山桃爛漫趁春肥江頭棹月客來訪鹿苑封雲僧未歸  
藉草靜忘溪聒耳入花晴亦雨沾衣采真遲我十年約丹竈詩瓢願不違

附邑人傅為訥一佛宮雜詠四首道光志

雲林花蝶鬧春風一鶴飛來一佛宮紫閣青松誰管領百年興廢鳥聲中  
枝頭彷彿走魚龍大海迴瀾開衆峯絕似平山堂下路松濤萬頃一聲鐘

琉璃窗外越雲翹人步丹墀漫寂寥欲引栖鸞排紫竹為聽鳴雨種紅蕉  
東嶺雲飛薜荔牆樓頭曉望覺春涼雷聲昨夜飄紅雨添得桃溪幾寸香

青蓮寺 在城東南隅明永樂間建正統間重修臨安府志清咸豐間因兵

燹燬今僅建正殿三楹

光緒志

附石屏貢生丁肇榮觀青蓮寺舊址有感詩

道光志

落日登荒臺驚鴉繞禿樹樹老不知春蕭蕭若歲暮問是何佛場青蓮第一處燎原傷兵燹琳宮化烟霧獨有大士身宛然金石固佛亦有靈歟自身乃能護不知觀自在可觀不可塑是色卽是空此理胡不悟無如世教衰難邀佛一顧塵寰盡迷津孽海無覺路紛紛皆沈淪竟誰使之悟民居滿寺側回祿不我恕如鳥焚其巢無枝可以住如犬喪其家無地可以寓流離經十載含冤向誰訴歸來叩菩薩菩薩久暴露雨漬佛面多悲淚宛如注蓬蒿淒滿目徘徊不忍去

巖溪寺 在城東南十五里臨安府志清咸豐間兵燹燬光緒間重建後殿

光緒志

法華寺 在城南門內

臨安府志

無垢寺 在城南五里雍正志俗呼南山寺不知何時創明正統景泰間

僧證空理性海灝相繼修建萬曆志清咸豐間燬於兵今重建眞武殿

光緒志

桂林寺 在城西南二十五里清乾隆五十九年郡人楊楷建

建水縣志

潮音寺 在城西南一百八十里納樓司

雍正志

附知府王文治納樓司遊潮音寺詩

道光志

梵音海潮音妙音醒諸衆萬行首楞嚴半頁圓通頌此方原福地鷺嶺通巖洞世外與世中香花普同供我來暫登眺萬籟沈不動日暖崖花開時聞一鳥啼稽首問師尊潮音何處送薄暮下山來松濤響雲棟

指林寺 在城西清遠門內宋時衆逐鹿至此遇異人曰鹿處此山

久矣奚逐爲言訖不見衆異之始建寺元至元間郡人何昌明構

一殿二塔明永樂間僧溫成建高閣翼以層樓丹梯碧瓦連雲接

霞郡城之勝一覽在目相傳建文帝題爲第一山

臨安府志

附元勳衛郭登重修記畧

萬曆志

指林禪寺者其肇創之始無考地多林木居常見一鹿於中因率衆捕之無蹤跡少頃一異人出指其林曰鹿處此非一朝夕汝輩欲何如耶言既亦復不見衆皆驚走以爲神相與立祠祀甚著靈應元貞間郡人何昌明始建一殿二塔繪塑菩薩大士之像以爲

休息之所取前異事書指林二字扁其楣歲久傾圯永樂丁亥都綱得海來領教事乃奮志葺之功未半而海入滅今住持溫成師者世爲魯人自幼離俗出家駐錫於此見殿宇湫隘始謀大之不數年間垣廊廡無不具備幢幡雜選鐘鼓振揚復於南鋪置田

三區正統癸亥余蒞是邦始至之日假館寺中時成師年踰七十疏食菜根淡然無欲動而觀其所為靜而觀其所守類夫有道者間請于曰茲寺所歷既以代計而復興於今曾無片言記其事懼夫日遠湮沒願不吝餘光以照叢林子惟佛氏之教行乎中國始則福田利益之言足以化庸愚久則明心見性之說足以悅賢智是以智愚賢不肖莫不從而信之繇漢晉隋唐宋元以迄於今可謂盛矣

### 附按察使林俊詩

萬曆志

半畝禪宮雜市廛上方心地應偏雲生竹院鶴相對日轉苔堦僧正眠  
白酒漫陶閑歲月碧紗還護舊詩篇邇來學得無生法不向人間種福田

### 附副使敖和詩

萬曆志

城外青山秀插天城中佳寺景無邊寒潭雨歇蒼龍返幽谷雲深白鹿眠  
穿戶影重花外竹到池聲靜井中泉老僧入定因無事坐看天花雨席前

### 附都督沐璘詩

萬曆志

過城公暇輿偏賒躍馬來遊釋子家綠映隔窗羅漢竹紅開滿樹佛桑花  
山光水色如迎客萸葉檳榔當啜茶又得浮生閑半日此身忘卻在天涯

### 萬明寺 在城西二里

臨安府志

醫官王用賓重修

萬曆志

### 附給事中曾煊紀畧

萬曆志

臨安城中不一里有山曰西山寺曰萬明遠聞美林麓一大叢林也事始創於前元宣光間道人有毛姓者建庵棲息於此有僧惠聰惠照相繼住持香火雖存庵漸傾圯正統間有彌上人號固安者從金陵樸庵祝髮卓錫是寺遂磬已之衣鉢復募緣以修葺

之於法像莊嚴梵宮雕飾以至禪堂方丈井廚之類無不畢備寮官王用賓輩施財置西莊水田計若干廛爲常住既而師竟入滅都網純樸庵暨弟子永祥淨源輩曰若師一念之勤至於如此無文以永其傳可乎來需言以識其始末

千佛寺

在城西

雍正志

或云在城東北

臨安府志

西天寺

在城西三里明萬曆間吳國昌李培建

雍正志

西林寺

在城西三里

臨安府志

清咸豐間兵燹燬光緒間重修

光緒志

西山寺

在城西南八里

臨安府志

清咸豐七年燬於兵光緒初年重建正

殿

光緒志

金華寺

在城西十里僧海灝建清嘉慶二十年重修

臨安府志

咸豐七年

兵燹燬光緒初年重建正殿

光緒志

月印寺

在城西十里

臨安府志

清咸豐間兵燹燬光緒初年重修

光緒志

黃龍寺

在城西二十里清咸豐間兵燹燬光緒初年重修

光緒志

大乘寺

在城西二十里明僧知微建

臨安府志

清咸豐間兵燹燬光緒初

年重修正殿

光緒志

普庵寺

在城北

臨安府志

清咸豐七年燬於兵光緒間重建正殿

光緒志

北山寺

在城北三里一名華嚴寺明知府賴瑛重修

臨安府志

清咸豐七

年燬於兵光緒間重建觀音殿

光緒志

附明邑人馮之騮北山華嚴寺詩

道光志案萬曆志作桂茂之詩

梵王宮倚北山開地僻人稀半是苔修竹幾行森玉立遶峯四面送青來雲寒石洞龍初睡日暝松巢鶴未回清趣滿前因坐久灑然心地絕塵埃

附傳爲許遊北山寺詩

道光志

羣峯積翠擁招提絕頂憑臨望不迷瀘水遙看巖洞落城樓高與玉屏齊笙歌多在紅泉北風雨飛來大閣西今日木蘭王播在碧紗新罩舊時題

法華寺

在城北八十里曲江驛

雍正志

寶嚴寺

距曲江十里

雍正志

清咸豐六年燬於兵光緒六年廢爲曲江

書院

光緒志

然鐙寺 在城北一里明嘉靖間建臨安府志清咸豐七年燬於兵光緒初

年重修光緒志

廣慈宮 在城東北因兵燬今重修光緒志

香林寺 在城東北二十里一統志或云三十里元時建爲郡中名勝臨安府志

附副貢邑人葉淶香林寺詩道光志

樹影參差鬱不開有時風雨暗登臺  
安禪莫向空潭說恐有龍神聽法來

玉皇閣 在城東門內明嘉靖間建萬曆間郡人包見捷修一在曲

江之龍街臨安府志

迎恩禪院 在城東關外入省通衢明萬曆三十一年郡人包見捷

建雍正志

海會寺 在城東二里清乾隆二十六年僧顯悟重修建水縣志

三元宮 在城東清嘉慶十六年修建水縣志在曲江者有二一在破山一

在小里寨光緒志

準提閣 在城東南二里清乾隆三十六年王厥聲等倡建建水縣志

蓮花寺 在城東南三里臨安府志

鳳翥寺 在城南五里臨安府志

觀音寺 在城西南一在城北明永樂間建正統中重修雍正志

龍泉寺 一在曲江沙溝一在曲江東山光緒志

西竺寺 距曲江二十里僧慧心重修臨安府志

案採訪尚有晏公廟通化寺朝陽寺盤龍寺永興庵治水庵毘廬寺大悲閣水月庵真武宮玉隱庵白衣庵白龍寺均在曲江境內咸豐六年兵燹燬僅存遺址道光志

諸天寺 在府東城外萬曆志

附何經詩萬曆志

上方樓閣遠塵俗石磴縈迴紆路曲門掩青山幾片雲鳥啼當戶數竿竹  
禪中自覺太虛空身外那知榮與辱我來相與說無生洗出煩惱三萬斛

### 附楊樊詩

萬曆志

諸天星落玉峯高門掩清風路寂寥一指禪中無語悟三生石上有魂招  
我願官轍來尋社自悔名韁怪折腰對楊談僧不須寐灑窗風雨夜蕭蕭

### 觀音寺 在府北城外明永樂間建正統間修

萬曆志

### 附御史王璟記

萬曆志

郡城西北隅有古刹舊名觀音禪寺其肇創無所考逮元兵燹頽毀惟存遺跡正統壬戌郡人李伯亨捨財始一殿兩廡繪塑佛像  
後殿一傑閣上塑觀音大士像下塑地藏及冥官前砌天王殿左右伽藍兩師堂晨香暮燈以為休息之所歲久傾圯景泰甲戌僧  
淨戒奮志修葺功未半入城有僧覺禪世為臨安人自幼離俗出家知善根泛游京師後推為崇壽寺住持未幾返錫衆悉推薦為  
是寺領袖禪師始至欲增兩廊乃儲材計費期必底於完時鎮寺太監羅公主郡守劉公芳咸贊其成不二三載間殿閣聳飛金碧  
相照凡周垣廊廡無不備具然有居必有食復請伯亨置田數區於白鶴舖以資日費其用心亦懋哉成化丙午今住持本超實禪  
師之嫡派了因之高弟謀諸伯亨孫應郡人李能輩曰田少用多盍增大之由是各捐己貲復置田若干塋於碗窰後合前田度其  
入足以供佛飯僧間求余文勒諸石  
案採訪尙有大佛寺三官寺上真寺慈光寺天池寺俱在境內

### 石屏州

### 北極宮 在城內西關舖

石屏縣採訪

通明宮 在城內北關鋪石屏縣採訪

三元宮 一在城內清同治四年州人重修光緒志 一在城東大水寨一

在高家沖一在白仁村石屏縣採訪

普光寺 在城東郊石屏州志

海潮寺 在城東異龍湖中大水城明郡人楊廷相建雍正志

附明副總方戡之海潮寺詩道光志

岩嶠古閣擁洪濤極目丹霞壯六龍返照紅銷煙樹暝亂峯青出海門高  
花飛野寺沾經席棹擊晴波擁節旄且喜今年烽燧靖樽開暫得解征袍

附明河泊所官清江楊明哲海潮寺集句

海中仙島又重遊前值東風後值秋旭日晴波同弱水奇花異草即瀛洲  
綺霞散亂天光好圖畫橫開山色幽何必別尋句漏境人間亦自有丹邱

附明同知邑人許子言同題

凌風鼓棹趁春遊直上蓬萊第一洲山色翠交湖外樹波光涼浸日邊樓  
晨鐘雨過聲猶溼畫棟雲飛勢若浮登眺頓忘歸思晚漁歌韻落海天秋